



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

ք. Երևան

<< 10 >> մայիս 2019թ.

ՈՐՈՇՈՒՄ ԹԻՎ 6507/2

**ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ
ԴՆԵԼՈՒ ՄԱՍԻՆ**

ՀՀ ՊԵԿ Իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետներ Թ.Ասրյանս և Ա.Գալստյանս համաձայն ՀՀ ՊԵԿ նախագահի 02.04.2019թ. թիվ N ԱՀ 6507 հանձնարարագրի, ուսումնասիրելով թիվ 736-74 Ա և 4692-4Ա վարչական վարույթների և հարկ վճարողի վերաբերյալ նյութերը.

ՊԱՐԶԵՑԻ

<<ԱՎՏՈԼՈՒՅՍ>> ՍՊԸ-ի (ՀՎՀՀ 01277745, հասցե՝ ք.Երևան, ԱՆԴՐԱՆԻԿԻ Փ. 145 11) վերաբերյալ 21.12.2018թ-ին և 22.02.2019թ-ին ՀՀ ՊԵԿ Իրավաբանական վարչության պետի կողմից կայացվել են թիվ 736-74 Ա և 4692-4Ա որոշումները, համապատասխանաբար 225.399 և 507.433 դրամ չկատարված հարկային պարտավորությունները գանձելու վերաբերյալ: Նկատի՝ ունենալով, որ համաձայն ՀՀ հարկային օրենսգրքի 401-րդ հոդվածի նշված պարտավորությունների նկատմամբ հաշվարկվել են տույժեր, ուստի 10.05.2019թ-ի դրությամբ թիվ 736-74 Ա և 4692-4Ա որոշումների շրջանակներում չկատարված հարկային պարտավորությունները կազմում է 791.242 դրամ: ՀՀ հարկային օրենսգրքի 431-րդ հոդվածի 2-րդ մասի 1-ին կետի համաձայն <<ԱՎՏՈԼՈՒՅՍ>> ՍՊԸ-ի բանկային հաշիվներում առկա դրամական միջոցների բացակայության և հարկ վճարողի վայրն անհայտ լինելու հետևանքով անհրաժեշտ է ղեկավարվել ՀՀ հարկային օրենսգրքի 431-րդ հոդվածի 2-րդ մասի 3-րդ կետով և արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ հարկային օրենսգրքի 429-րդ 430-րդ և 431-րդ հոդվածներով՝

ՈՐՈՇԵՑԻ

Արգելանք դնել <<ԱՎՏՈԼՈՒՅՍ>> ՍՊԸ-ի (ՀՎՀՀ 01277745) պատկանող արգելանքի ենթակա այլ գույքի վրա՝ 791.242 դրամի չափով:

Որոշման պատճենը ոչ ուշ, քան այն ընդունելու հաջորդ օրը, պատշաճ ձևով ուղարկել

1. <<ԱՎՏՈՂՈՒՅԱ>> ՍՊԸ-ի (ՀՎՀՀ 01277745),
2. <<Ոստիկանության <Ճանապարհային ոստիկանություն> ծառայություն
3. <<ԱԳԿ ՊԿ,
4. <<ՊԵԿ ՏՏ վարչություն

Նրան արգելել արգելադրված գույքը օգտագործել և /կամ/ տնօրինել և /կամ/ տիրապետել:

Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

Սույն որոշումը կարող է բողոքարկվել ՀՀ հարկային օրենսգրքի 432-րդ հոդվածի 5-րդ մասով սահմանված ժամկետում, ինչպես նաև արտադատական կարգով բողոքարկումը չի կասեցնում որոշման կատարումը:

Սույն որոշումը ստանալու պահից Դուք նախազգուշացված եք արգելադրված գույքը կամ դրա առանձին բաղադրամասերը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Թ.Ասրյան

/Արգելանք դնող պաշտոնատար
անձի անունը, ազգանունը/

Ա.Գալստյան

/Արգելանք դնող պաշտոնատար
անձի անունը, ազգանունը/

